



Skårhaug sett fra andre sida av elva. (Foto: Ola Matti Mathisen)

**Til no er fire av dei ni tomtene som Hans Reidar Kjærland har opparbeidd i Skårhaug selde. Salet har vore litt tregt, innrømmer grunneigaren når uskedalen.no spør korleis det går med prosjektet. Han hadde det lagt ut hos ein meklar i fjor, men fekk ikkje særleg stor respons.**



Sigurd Børve og Kjersti Nilsen kunne flytta inn i nytt hus i Skårhaug i fjor. (Foto: Ola Matti Mathisen)

- Uskedalen er ikkje den mest populære staden ein kan tenkje seg når det gjeld etablering i einbustader, seier Kjærland, og minnar om konkurransen med Husnes. På den andre sida er det mykje som tyder på at prosjekt som Uskedalen Brygge er 'in' for tida.

Alle ni tomtene i Skårhaug er klare med veg, vatn og kloakk.

Opparbeidingskostnadene var relativt høge fordi det måtte sprengast mykje.

Grunnen til at Kjærland er grunneigar her er at han også er eigar av Leitet.

Utmarka til dette bruket var oppover i Skårhaug.

Tomtene ligg for det meste i heller bratt lende, frå vegen og heilt oppunder

masta på Skårhaug-toppen. Det er bygt hus på tre av dei tomtene som er

selde medan den fjorde er under utgraving no. Dei heldige som no har fått

eller får ein sentral bustad med panoramautsikt mot både Englafjell og Nåsø

er Sigurd Børve/Kjersti Nilsen, Egil Eide, Arne Ljosnes og Bjørn Olav Tveit.

Dei fem tomtene som enno ikkje har fått kjøparar ligg både høgt oppe og langt nede på det tilsaman 10 dekar store arealet, det vil seie frå Skårhaugtoppen og ned mot vegen.

**Av Ola Matti Mathisen**



Tomta til Bjørn Olav Tveit heilt oppunder masta på Skårhaug blir opparbeidd no. (Foto: Ola Matti Mathisen)